

# A nostra storia

*Storia è populu ùn facini cà unu. Quiddu chì sà d'induva eddu veni, a saparà induva andà.*

A nostra storia, matrice di u pòpulu  
Vechja quant'è vechja a terra addulurata  
Induve simu nati

Fù cantata scritta è tramandata  
Da tempi in àcheri  
Ramintendu l'udissea tremenda è l'epupea  
Di a Patria nascente

A nostra storia, nata da u pòpulu  
Chì smarisce à tempu à l'estru paisanu  
Di i nostri antenati  
Fù piattata pruibita è po sguassata  
Da a vulintà straniera  
Ma ferma sempre in i cori è ind'è l'alma  
Di tanta ghjente fiera

A nostra storia, credenza di u pòpulu  
Spanticheghja è putenze arcane di l'umanità  
Intriccendu eri, oghje è dumane  
In a santa trinità  
Per ch'elle ribòmbinu e vite umane  
Per l'eternità

A nostra storia, forza di u pòpulu  
Anciu eternu di l'antica sumente  
Di a terra di Cirnu  
Porta cum'ellu si porta lu ventu  
E foglie di vaghjime  
E nostre voce è sperenze è brame  
Bellu più luntanu,

Da a Patria nascente  
Di tanta ghjente fiera

*Paroddi : Pascal Renucci / Musica : Franck Silana*